

Headlines

1. मुख्मन्त्री उमर अब्दुल्ला होरें नमीं दिल्ली च रेजिडेंट कमिशनर दे कम्मै दी समीक्षा कीती, जम्मू-कश्मीर दिएं परियोजनाएं दे तौरै तोढ चाढने दा आह्वान कीता।
2. मन्त्री जावेद राणा होरें मेंढर च हैलीपैड ते वेटिंग लांज दे निर्माण गिते 3 करोड़ 35 लक्ख रपे मंजूर करने पर मुख्मन्त्री हुंदा आभार प्रगट कीता ऐ।
3. मन्त्री सतीश शर्मा होरें जम्मू-कश्मीर तेल पेट्रोल ते गैस दी दस्तयाबी ते सप्लाई सरिस्ते दा जायजा लैता।
4. जम्मू-कश्मीर सरकारै जलवायु परिवर्तन कार्ज योजना लेई मुख्म सचिव हुंदी अध्यक्षता आहली यू.टी सतह दी संचालन कमेटी खडेरने दी मंजूरी दिती।
5. मौसम विभाग नै जम्मू-कश्मीर च 19 मार्च धोड़ी बरखा-बर्फबारी ते बदलोखडे मौसम दी पेशगोई कीती ऐ।

<><><><><><>

CM-Resident Commission

मुख्मन्त्री उमर अब्दुल्ला होरें अज्ज इक उच्ची सतह दी बैठक दरान नमीं दिल्ली आले रेजिडेंट कमिशन दे कम्मकाज दा जायजा लैता। उ'नें महत्वपूर्ण विकास प्रोजेक्टें च हासल प्रगति ते बक्ख-बक्ख राज्यें च तोढ चाढे जा'रदे जम्मू-कश्मीर कन्नै सरबंधत कम्में दा बी आंकलन कीता। दक्षता ते जोआबदेही पर चेचा जोर दिंदे होई मुख्मन्त्री होरें अधिकारिएं गी आखेआ जे ओहू सभनें परियोजनाएं गी बेल्ले सिर सबूरा करोआना जकीनी बनान। उ'नें सरबंधत विभागें कन्नै तालमेल तगडा बनाने ते प्रदेश थमां बाहू रवा करदे बसनीकें लेई सेवाएं दी बेहतरिन दस्तयाबी जकीनी बनाने दी जरूरतै पर जोर पाया। अधिकारिएं उनेंगी मजूदा पैहलकदमिएं, चुनौतिएं ते समुदाय लेई मदाद आली सुविधाएं च बाहे आस्तै पुट्टी गेदी गैहू बारै जानकारी दिती।

<><><><><><>

Rana-Helipad

जम्मू-कश्मीर सरकारै बन्ने आले जिले पुंछ दे मेंढर इलाके च कसाब थाह इक हैलीपैड ते इंतजार कक्ष दे निर्माण लेई 3 करोड़ 35 लख रपे मंजूर कीते ना। मंत्री जावेद अहमद राणा होरें इस प्रोजेक्ट गी मंजूरी देने लेई मुखमंत्री उमर अब्दुल्ला हुंदा आभार प्रगट कीता ऐ। सोशल मीडिया दी इक पोस्ट च मंत्री होरें आखेआ जे एहू ढांचा एमरजेंसी दी सूरते च प्रतिक्रिया सरंबधी सेवाएं च सुधार आहन्नग ते खित्ते च सार्वजनिक पुज्ज च बाद्दा बी करग। उंनें आखेआ जे एहू हैलीपैड मेडिकल एमरजेंसी ते आपदाएं दी स्थिति च बड़ा फायदेमंद साबत होग ते एहूदे कन्नै मेंढर ते एहूदे कन्नै लगदे दूर दरेडे इलाके दे बसनीके गी बेहतर संपर्क सुविधा हासल होग।

<><><><><><>

Satish LPG Book

मंत्री सतीश शर्मा होरें मध्य पूर्व च बनी दी तनोतनी आहली स्थिति दे चलदे जम्मू-कश्मीर च पेट्रोलियम उत्पादे दी दस्तयाबी ते सप्लाई दा जायजा लैने लेई इक उच्चि सतह दी बैठक दी अध्यक्षता कीती। उनें केंद्र शासत प्रदेश च पेट्रोल, डीजल, मिट्टी दे तेल ते एल.पी.जी गैस दे डीपुएं ते सप्लाई सरिस्ते दी स्थिति दा जायजा लैता। सतीश शर्मा होरें तेल कंपनिएं ते अधिकारिएं गी निर्देश दित्ता जे ओहू सभनें चीजे दा स्टाक जमा रक्खन तां जे आम जनता गी इंदे त्रोडे करी कोई दिक्कत परेशानी पेश नेई आवै। मंत्री होरें जमाखोरी, कालाबजारी ते मैहंगे भाएं पर चीजां बेचने आहलें पर नेडमी तक्क रखने ते नेहू लोके खलाफ सख्त कार्रवाई दा निर्देश बी दित्ता।

<><><><><><>

Kavinder Gupta

हिमाचल प्रदेश दे नमें नियुक्त कीते गदे गवर्नर कविंद्र गुप्ता अज्ज जम्मू पुज्जे जित्थे उंदी कोठी पर उंदा निग्गा सुआगत कीता गेआ। पत्रकारें कन्नै गल्लबात करदे होई उनें आखेआ जे जम्मू-कश्मीर ते हिमाचल प्रदेश दी संस्कृति, परम्परा ते विरासत इक-दुए कन्नै बड़ा मेल खंदियां ना। उंनें आखेआ जे ओहू इस नमीं जिम्मेदारी गी निभाने लेई सख्त मेहनत करडन। कविंद्र गुप्ता होरें इस ओहूदे पर उंदी नियुक्ति लेई राष्ट्रपति हुंदा धन्नवाद कीता। उंनें आखेआ जे सैलसफा खेत्तर

हिमाचल प्रदेश दी अर्थबवस्था दी रीढ़ ऐ ते ओहू इस खेत्तर गी होर बढ़ावा देने लेई कम्म करडन। उ'नें आखेआ जे नशीले पदार्थे दी कवैतु दा मुकाबला करना बी उं'दी मुख प्राथमिकता रौहगा।

<><><><><><>

Phone School Udh.

उधमपुर दे मुख शिक्षा अधिकारी सुभाश गुप्ता होरें सबनें अध्यापकें गी निर्देश दित्ता ऐ जे ओहू क्लासें च पढां दे बेल्लै अपने कन्नै मोबाइल फोन लेई जाने सवां गुरेज करना। इस बारै जारी इक अधिकारिक हुकमै च आखेआ गेदा ऐ जे अध्यापकें आसेआ क्लास च फोन इस्तेमाल करने कन्नै बच्चें दी पढाई ते पढाई दे म्हौल पर माझा असर पौंदा ऐ। स्कूलें दे प्रिंसीपलें, हेडमास्टरें ते सबनें जेड.ई.ओ'एं गी बी निर्देश दित्ता गेदा ऐ जे ओहू इस बक्खी नेडमी तक्क रक्खन तां जे कोई बी टीचर फोन लेइयै क्लासें च नेई जा। सी.ई.ओ उधमपुर होरें आखेआ जे इस हुकमै दी खलाफवर्जी करने आहलें पर सख्त कार्रवाई कीती जाहगा।

<><><><><><>

Climate Action Plan

जम्मू-कश्मीर सरकार नै इत्थे जलवायु परिवर्तन कार्ज योजना गी लागू करने दे कम्मै पर निगरानी करने ते एहदा कम्मकाज दिक्खने लेई यू.टी सतह दी इक संचालन कमेटी खडेरने दी मंजूरी देई दित्ती ऐ। मुख सचिव हुंदी अध्यक्षता आहली इस कमेटी च प्रमुख मैहकमे दे प्रशासनिक सचिव बी शामिल होडन जियां कि मैहकमा जलशक्ति, बिजली विकास, कृषि उत्पादन, लोक निर्माण, आपदा प्रबंधन, भवन ते शैहरी विकास, सेहत, योजना, जंगलात ते विज्ञान ते टेकनालजी मैहकमे। एहदे अलावा मिम्बर दे तौरा पर किश होर लोकें गी बी इंदे च शामिल कीता जाहगा। एहू कमेटी जलवायु परिवर्तन कार्ज योजना दी समें-समें पर समीक्षा करोग ते मैहकमें गी संगठित जलवायु चिंताएं, स्कीमें ते विकास कार्यक्रमें बारै परामर्श बी देगा।

<><><><><><>

Dy Cm-Sunderbani

उपमुख्यमंत्री सुरिंद्र चौधरी होंरें सुंदरबनी च अफसरें दी इक बैठक सहियै इलाके च जारी विकास कम्में दी समीक्षा कीती ते आम लोकें सरबन्धी महत्वपूर्ण मामलें पर चर्चा कीती। उनें सरबन्धित अफसरें गी निर्देश दित्ता जे सरकारी परियोजनाएं दी अमलआवरी दे कम्मै च तेजी आंदी जा तां जे लोकें गी बेहतर सार्वजनिक सेवां तौले उपलब्ध होई सकन। ग्रामीण राबता विकास दे हिस्से दे तौरा पर उपमुख्यमंत्री होंरें नौशैह्ला च डगानी ग्रांऽ च उनें मनाली थमां बेदगला तगर सड़कै दा नीहू पत्थ रक्खेआ। प्रधानमंत्री ग्राम सड़क योजना तैह्त्त शुरू कीती गेदी इक परियोजना दा मकसद इलाके दे कई दूर-दरेडे इलाकें धोड़ी सड़क संपर्क च सुधार आह्त्तना ऐ।



Itoo-kathua

सेहत मंत्री सकीना इत्तू होंरें अज्ज कठुआ दे खरोट थाह्त्त नमें बनाए गेदे बुनियादी सेहत केंद्र दा उद्घाटन कीता। स्हाडे जिला संवाददाता नै जानकारी दित्ती ऐ जे एह्त्ते निर्माण पर पौने दो करोड़ रपे दी लागत आई ऐ। उद्घाटन मौके मंत्री होंरें जकीन दोआया जे इस बुनियादी सेहत केंद्र च डॉक्टरी नीम डॉक्टरी अमला, एम्बुलेंस ते सब्बै सेहत सेवां मकामी लोकें लेई उपलब्ध होडन। उनें आखेआ कि सरकार दा मकसद जम्मू-कश्मीर दे सबनें हिस्सें च बेहतर कोला बेहतर ईलाज मोआलजे दियां सेवा उपलब्ध कराना ऐ तां जे कोई बी सेहत सेवाएं कोला महरूम नेई रेही जा।



Udhampur Surya Ghaar

उधमपुर जिले च “पी.एम. सूर्यघर” योजना दी असरदार अमलावरी कन्नै एह्त्ते प्रति लोकें दा रुझान बी बधदा जा’करदा ऐ। मते-मते लोक इस योजना तैह्त्त अपने घरें पर सोलर पैनल लोआइयै बिजली दा खर्चा बी बचा करदे न। स्हाडे जिला संवाददाता नै जानकारी दित्ती ऐ कि अजे धोड़ी 700 कोला मते सोलर युनिट लोआइ लैते गेदे न ते केंइयें होरनें पर कम्म चलै करदा ऐ। उधमपुर दे AEE अनुज गुप्ता होंरें आकाशवाणी कन्नै गल्ल करदे होई दस्सेया जे “पी.एम. सूर्यघर” योजना गी लेइयै लोकें च बड़ा मता उत्साह ऐ कि एह्त्ते नै बिजली दा खर्चा घटा ऐ-परती-परतियै दे बरती जाई सकने आहली ऊर्जा गी बढ़ावा थ्होआ’रदा ऐ।

कल जिला विकास कमीशनर मिंगा शेरपा होरें “पी.एम सूर्यघर” योजना दी अमलावर- प्रगति ते उपलब्धियें दी समीक्षा लेई सरबंधि अफसरें- एजेसी दे प्रतिनिधियें ते होरनें हितधारकें कन्नै बैठक बी लाई ही।



Weather

मौसम विभाग नै जम्मू-कश्मीर च 19 मार्च धोड़ी मौसम दे खराब होने दी पेशगोई कीती ऐ जेह्दे चलदे केंद्र शासित प्रदेश दे बक्ख-बक्ख हिस्सें च बरखा ते बर्फबारी दे असार ना। उआं कल्लै तगर मौसम बदलोखड़ा बने दा रौहग ते 13 ते 14 मार्च गी मौसम आमतौरा पर खुशक बने दा रौहग। 15 कोला 19 मार्च धोड़ी हल्की बरखा ते बर्फबारी दे असार ना। लोकें गी सलाह दित्ती जंदी ऐ जे यात्रा कोला पैहले टकोहदा करियै प्हाड़ी इलाकें च सफर शुरू करने कोला पैहले मौसम विभाग दी चेतावनी जरूरी दिक्खी लैन।

